

# il 32

Chi la Classe us presenti  
Biel cumò, subit di scat:  
il terribil TRENTEDO  
ben nudrit di vin...no lat!

Po si ciatie in Val Dean,  
in Strabut o Dinciaroi  
Val Culine -Taiament,  
come chei dal TRENTEDO?

La si ciate di chei zovins  
tal che roses di zardins,  
come chei dal TRENTEDO  
ben metûz e galandins?

E ze tipos di atomiche  
jôi, a dile no mi met:  
ciape ca il fari Pippo,  
o Clement taiaz sul dret ...

E, savin chi vin ...Savino  
e il...Villan dal panatîr,  
Milio Bisco - Galo arloi,  
(non d'è stâz né voi ne îr),

Po vin Tilio gran pitôr,  
cun Marcuz di Pordenon,  
Meneàn di sot la crete  
e chel Dolfo, ze baccon!?

E Alino da Petech  
Sergio e Aldo ciazza d'ôr,  
e sior Italo Prasech  
cun Dorino gran sartôr?

Tipos faz po su misure,  
come Rico conducent,  
di Gonzaga da Denglar,  
'nò l'è migo un compliment?

Bigul Gigi marangòn,  
chel da More carpentîr,  
Petracco e ch'el di Naca  
int di sest e di mistîr.

Mari sante e ze square  
Di coscriz e ze int fine,  
(stait atentes fantazzutes  
'nò ciapasi in 'ta ...lavine).

Un consei a pari e mari,  
un consei a duc i doi:  
sierait denti voste fie  
quant c'al passe il TRENTEDOÏ!

Paluzze, 26 marz 1952

NOTA:

I coscritti menzionati sono:

Lazzara Clemente - Lazzara Giuseppe - Tassotti Savino - Tassotti Villiano - Tassotti Emiliano (Pindul) - Ortis Attilio - Marcuz Bruno - Meneano Ernesto - Coradazzi Adolfo - Di Lena Alino - Barbacetto Sergio (deceduto) - Di Ronco Aldo (deceduto) - Di Ronco Dorino - Englaro Enrico (Frisot) (deceduto) - Gonzaga ..... - Galo ..... - Luigi Maieron (Bigul) - Maieron Ferdinando - Del Bon Lucio (Petracco).

# Il 36

Eco ca la biele classe,  
il teribil trentesîs,  
classe grande, sane fuarte  
che nò duarm sa è in pîs.

'Ca vin Italo di Pipi,  
il grant nobil studiât,  
un'omenon di capodozie  
e di Buine Volontât.

Chi ven dongje Sior Armando,  
(l'è mechanic a Tumiez)  
l'è un frutât grant e dolc  
a mangialu a ul un piez!...

Cun Francut di Ferrareis,  
(un frutât ben educât)  
vin la classe fiestezzade,  
un dai tanc c'ân studiât.

E Armando Delli Zotti?  
Sporcie murs, capo pitôr,  
dapardut ben conosût  
e dapardut si fâs onôr!...

Cussi Aurelio, chel da Fuze,  
elegant e ben lecât,  
(Don Giovanni in lambrette)  
Ve ze biel!... dut piturât...

E Don Walter di Sandrin...?  
l'omenut, che in ogni mût,  
ti furnisc buines bisticches  
e la fieste ciar da Brût!...

Faseit larc a Siôr Beppino  
(a vul encie il panatîr)  
chel sicûr sarâ mandât  
cui canons o granatir,

cun Sior Nando Radivute,  
il biel zovin di Mulînes;  
toulu, frute a l'è biel,  
iò scomèt, tu la induvines!...

Aldo Ortis di Min Pizzul,  
l'è a chi ben dut intîr,  
a sa spache cû la sie  
come un capo carpentir!...

'Ca, di turno, vin Duilio,  
un braf zovin di sigûr,  
al' è fî di Onorato;  
strazze malte e claps' tal mûr!...

Iacinnut, chel da Ninae,  
da un piez a l'è za sot;  
si vedessis ze biel zovin;  
vert e zâl ...l'è Finanzot!

Mario Englar, di Giovanùt,  
si è fermat là sul lavôr,  
om di fuarze e d'inzegn  
c'al si glorie di sudôr!

Ecco Zuan di Sior Vanino,  
fin, elegant, e delicât,  
c'al studie sui librotis:  
(al devente un leterât).

Maris, paris stait in ûardie  
quant c'al pase il trentesîs  
di logâ ben lâs fies  
si no chei ur dà par...Mîs!...

NOTA:

Paluzze 22 gennaio 1956. I coscritti menzionati sono:

Englaro Italo - Donada Armando - Ferrarese Franco - Delli Zotti Armando - Englaro Aurelio - Lazzara Walter - Englaro Beppino - Ortis Aldo - Englaro Duilio - Ortis Giacomo (Ninae) - Englaro Mario (Puchil) - Vanino Giovanni (deceduto) - Ferdinando Lazzara.

# Il 38

Eco ca, fantatis bièles,  
i coscriz dal '38,  
ve', cialain ben in muse,  
non sintiso denti un bot?

Eco FRANCO da buteghe  
di ricams e di puntines,  
par ornâ às bieles frutes  
regipez e mudandines!

Po' MARCELLO, il gran barbîr,  
cul rasôr ti dà batae,  
al ti spele e ti torture  
tal c'al dopri 'ne tanae.

Eco MARIO cun ARMANDO  
paronissims dal pinel:  
ti piturin encie il mûs  
s'al ti ciape a brazzecuel.

GIULIANO cun RIZZIERI,  
assistenz in costruzions,  
a ti fasin bieles ciases  
senze puartes nè balcons...

NANDO MOSER, chel di Gigio,  
l'è un moderno marangòn,  
par dôs sissules ti splane  
danti sot a comedàn.

VITORIO CARPENEDO  
cun sior GENIO GEREMIE  
LINO JOB, *chel dal Marconi,*  
sono ciàs da butâ vie?

*Simpri simpri sui librôtis,*  
*studiâ cun GRAN passion*  
*L'A.B.C., muardint la lenghe*  
*co no van a sdrondenòn!*

LIONELLO competent  
Al si dà a fotografie,  
artisan come l'ELIGIO  
cu' la sô tipografie.

*E bravissims muradôrs,*  
*che passion àn tal mistîr,*  
son DONINO - BRUNO LAZZAR  
e ZAMMARCHI...granatîr!

Lôr, in patrie opur di fûr,  
ti onorin cul lavôr  
sore puints e armadures,  
cu' la front in plen sudôr.

Guai saltâ il carpentîr  
ENIO, il bulo, e FLOREANUT  
c'a ti fasin figurone  
'n ta la Meriche dal Sut!

Ma l'è un, sòre di dut:  
l'è BEPINO di SALON  
c'al onore cheste classe  
cu' la tonie, ben benon...!

Viva, viva biele classe,  
viva, viva il 38,  
ma iodeit di no zopâle,  
sparagnais un furnigòt...!

Paluzze, 5 di genâr 1958

NOTA. I coscritti menzionati sono:

D'Andrea Franco - Flora Marcello - Bellina Mario - Di Centa Armando - Englaro Rizzieri - De Franceschi Giuliano - Moser Ferdinando - Tassotti Lionello - Di Ronco Eligio - Lazzara Bruno - Zammarchi Giovanni - De Franceschi Ennio (deceduto) - Vittorio Carpenedo - Eugenio Geremia - Lino Job.



Il violinista Garibaldi, con Amato Matiz (pakai) alla fisarmonica e Leonzio al contrabbasso, in una esibizione con il Coro di Paluzza.

# Il 39

Oh! Fantatis e donzelles  
voi, a chi l'è alc di nûf,  
passe i zovins da la classe,  
la plui biele, il Trentenuf!

Ecco Albano di Titute,  
l'è maestri dal pinèl,  
ti piture in tal maniere  
che di brut a ti fâs ...biel!

Dongie lui i vin Pierino,  
chel di Tavio, il pompîr,  
a si zure, lu faran  
da marine, granatîr?

Passe Albano Gigulet  
muradôr dal mani lunc,  
ca ti file cu la Vespa  
e ti butte a bas di lunc!

E Giannino, Dite Englâro?  
un fantât plen di pinsîr,  
a l'è in gamba come il pari  
strazze malte di mistîr!

Mestri Fabio di Picin,  
le daûr a maridâsi,  
come duc, cû la gavete,  
cu la Rocie, chest po dâsi!

No disino nue di Mario?  
gran pitôr di fame e non,  
par sozâ cusines sporcies,  
l'è maestri, par da bon!

E il simpatic di Vigiunt?  
i va dut, ze melonarie,  
simpri dongie dai grimai,  
che àn gust ciapâ...l'orsarie.

Chel da Mui l'a non Duilio,  
muradôr spade purcites,  
las fantates no lu vulin  
i plâs masse argiel e frices.

Su, a l'erte, e attenzion  
a l'è Berto cu alc ta man:  
une letare? Cartuline?  
no iodeiso? Un telegrâm!

Ma al Campo, sot la tende,  
(stai attenz ze che an det)  
quant che a svinte a vûl Benito  
par saldale cul pichet!!

Ve che Mario chel di Cole,  
(sot il braz a l'â la borse)  
cun ziment, ges, cialcine,  
pal mistîr 'ne risorse!

Biât Beppino a l'è lontan  
ma la classe l'â tal cûr  
(la tolet ne barcie a nauli)  
e cun che a l'è lât ...fûr.